

13-mavzu: TEKISLIKDA TO'G'RI CHIZIQ VA ULARNING TENGLAMALARI

Topic-13. IN PLAIN STRAIGHT LINE AND THEIR EQUATIONS

Adabiyot: Csaba Vincze and Laszlo Kozma
“College Geometry” March 27, 2014
pp.179-189k.

1. To'g'ri chiziq ta'riflanmaydigan tushuncha.

To'g'ri chiziqqa parallel bo'lgan ixtiyoriy nol bo'lmagan vektor to'g'ri chiziqning yo'naltiruvchi vektori deyiladi.

a) bitta nuqtasi va yo'naltiruvchi vektori bilan to'g'ri chiziq tenglamasi.


Tekislikdagi affin koordinatalar sistemasi $(0, \vec{e}_1, \vec{e}_2)$ berilgan bo'lsin. Tekislikdagi d to'g'ri chiziq o'zining $N_0(x_0, u_0)$ nuqtasi va yo'naltiruvchi $\vec{a}(a_1, a_2)$ vektorning berilishi bilan to'liq aniqlanadi. d to'g'ri chiziq tenglamasini yozaylik, ma'lumki tekislikdagi biror $N(x, y)$ nuqta d to'g'ri chiziqda yotishi uchun $\vec{M_0N}$ vektor $\vec{a}$ vektorga kolleniar bo'lishi zarur va yetarlidir.

$$\vec{M_0N} = \lambda \vec{a} \quad (13.1)$$

bundan

$$x = x_0 + \lambda a_1; \quad y = y_0 + \lambda a_2 \quad (13.2)$$

λ - haqiqiy soni parametr deb aytiladi.



(13.1) tenglama d to'g'ri chiziqning **vektor parametrik tenglamasi** (13.2) tenglama d to'g'ri chiziqning **parametrik tenglamasi** deyiladi.

(13.2) tenglamadan ushbu,

$$\frac{x-x_0}{a_1} = \frac{y-y_0}{a_2} \quad (13.3)$$

tenglamani hosil qilamiz. (13.3) ni to'g'ri chiziqning kanonik tenglamasi deyiladi.

Undan

$$\begin{aligned} a_2(x-x_0)-a_1(y-y_0)&=0 \\ a_2x-a_1y+(a_1y_0-a_2x_0)&=0 \end{aligned} \quad (13.4)$$

Bu yerda a_1 va a_2 lardan kamida bittasi noldan farqli, shu sababli (13.4) birinchi darajali tenglamadir.

Shuning bilan, ushbu muhim xulosaga keldik:

Har qanday to'g'ri chiziq birinchi tartibli algebraik chiziqdir.

b) Ikki nuqtasi bilan berilgan to'g'ri chiziq.

Affin koordinatalar sistemasiga nisbatan d to'g'ri chiziqning $M_1(x_1, y_1)$ va $M_2(x_2, y_2)$ nuqtalari berilgan bo'lsin. $M_1M_2=d$ to'g'ri chiziq tenglamasini yozaylik.

d to'g'ri chiziqning yo'naltiruvchi vektori deb $\overline{M_1M_2} (x_2-x_1; y_2-y_1)$ vektorni olsak, (13.3) ga asosan d to'g'ri chiziq tenglamasi ushbu


$$\frac{x-x_1}{x_2-x_1} = \frac{y-y_1}{y_2-y_1} \quad (13.5)$$

tenglama bilan ifodalanadi. Bu berilgan ikki nuqtadan o'tuvchi to'g'ri chiziq tenglamasi.

c) To'g'ri chiziqning kesmalar bo'yicha tenglamasi.

To'g'ri chiziq OX o'qini $A(a, 0)$ nuqtada OY o'qini $B(0, b)$ nuqtada kessin, u holda ikki nuqtadan o'tgan to'g'ri chiziq tenglamasi (13.5) dan foydalansak (39-chizma)

$$\frac{x-a}{-a} = \frac{y}{b}, \quad \text{yoki} \quad \frac{x}{a} + \frac{y}{b} = 1$$



39-chizma

(13.5) da a, b sonlar to'g'ri chiziqning koordinata o'qlaridan ajratgan kesmalari ni to'g'ri chiziqning kesmalar bo'yicha tenglamasi deyiladi.

d) To'g'ri chiziqning burchak koeffitsientli tenglamasi.

Ordinata o'qini kesuvchi d to'g'ri chiziq olaylik. Bu to'g'ri chiziqning yo'naltiruvchi vektori $\vec{a}(a_1, a_2)$ bo'lsa, $\vec{a}$ va $\vec{e}_2$ vektorlar kolleniari bo'lmaydi, shuning uchun $a_1 \neq 0$.

2. To'g'ri chiziqlarning umumiy tenglamasini

$$Ax + By + C = 0 \quad (13.6)$$

tekshiraylik, ya'ni A, B, C larning ba'zi birlari nolga aylanganda to'g'ri chiziqlarning koordinatalar sistemasiga nisbatan joylanishini o'rganaylik:


1. $C = 0$ bo'lsa, (13.6) tenglama ushbu $Ax + By = 0$ ko'rinishni oladi, O nuqtaning koordinatalari bu tenglamani qanoatlantiradi, demak, to'g'ri chiziq koordinatalar boshidan o'tadi va aksincha $O \in d$ bundan $A \cdot 0 + B \cdot 0 + C = 0 \Rightarrow C = 0$

Shunday qilib (13.6) to'g'ri chiziq koordinatalar boshidan o'tishi uchun $C=0$ bo'lishi zarur va yetarlidir.

2. $A=0$ bo'lsin, (13.6) $\Rightarrow By + C = 0$. $R(-B, 0)$. Bu yo'naltiruvchi vektor e_1 koordinat vektorga kollinear, demak, $d \parallel OX$,

$$y = -\frac{C}{B}, -\frac{C}{B} = b, y = b.$$

Shunday qilib, $y = b$ tenglama ordinata o'qidan b kesma ajratgan va Ox o'qiga parallel to'g'ri chiziq (42-chizma).



Agar $A=0$, $C=0 \Rightarrow By=0 \Rightarrow y=0$, demak, d to'g'ri chiziq OX o'qi bilan ustma-ust tushadi.

4. $B = 0$ bo'lsa, bunda 2-holdagiga o'xshash d to'g'ri chiziq OY o'qqa parallel joylashadi (42-chizma) va bu holda $C=0$ bulsa, ($Ax=0 \Rightarrow x=0$) d to'g'ri chiziq OY o'qi bilan ustma-ust tushadi.

To'g'ri chiziqning umumiy tenglamasi quyidagicha:

$$ax + by + c = 0 \quad (*)$$

Bu yerda a, b, c berilgan sonlar. $(x; y)$ to'g'ri chiziqqa tegishli nuqta. Unga mos to'g'ri chiziqning berilish usullarini qarab chiqamiz.

1. $a = 0$. U holda $(*)$ dan $y = -\frac{c}{b}$ kelib chiqadi. Ya'ni bu to'g'ri chiziq x o'qiga


parallel bo'ladi. (16.2 chizma)

2. $b = 0$. U holda $(*)$ dan $x = -\frac{c}{a}$ kelib chiqadi. Ya'ni bu to'g'ri chiziq y o'qiga


parallel bo'ladi. (16.3 chizma)

3. $c = 0$. U holda $(*)$ dan $ax + by = 0$ kelib chiqadi. Ya'ni bu to'g'ri chiziq


koordinatalar boshidan o'tadi. (16.4 chizma)



16.2 chizma



16.3 chizma



16.4 chizma


Faraz qilaylik $a \neq 0$ $b \neq 0$ va $c \neq 0$ bo'lsin. $ax + by + c = 0$ tenglikdan $ax + by = -c$ kelib chiqadi. Tenglikning ikkala tomonini $-c$ ga bo'lamiz.

$$\frac{ax}{-c} + \frac{by}{-c} = 1$$

Agar $-\frac{c}{a} = \alpha$ va $-\frac{c}{b} = \beta$ belgilashlarni kiritsak;

$$\frac{x}{\alpha} + \frac{y}{\beta} = 1 \quad (**)$$

(**) tenglikka to'g'ri chiziqlarning kesmalar bo'yicha tenglamasi deviladi. Bu yerda α va β modul jihatdan to'g'ri chiziq koordinata o'qlaridan ajratgan kesmalar uzunligiga teng. (16.5 chizma)



(16.5 chizma)

To'g'ri chiziq parametrik tenglama bilan ham beriladi.

$$x = at + b, y = ct + d \quad -\infty < t < \infty (***)$$

Misollar:

1. a, b, c ning qanday qiymatlarida $ax + by + c = 0$ to'g'ri chiziq x o'qining musbat (manfiy) yo'nalishini kesib o'tadi.
2. a, b, c ning qanday qiymatlarida $ax + by + c = 0$ to'g'ri chiziq koordinatalar tekisligining birinchi choragini kesib o'tmaydi.
3. Ushbu $ax + by + c = 0$ va $ax - by + c = 0$ tenglamalar bilan berilgan to'g'ri chiziqlar x o'qiga nisbatan simmetrik joylashganligini ko'rsating.

Ikki to'g'ri chiziq orasidagi burchak.


Faraz qilaylik bizga γ o'qiga parallel bo'lmagan g_1 va g_2 to'g'ri chiziqlar berilgan bo'lsin. $\theta(g_1; g_2)$ orqali g_1 va g_2 to'g'ri chiziqlar orasidagi burchakni belgilaymiz.

To'g'ri chiziqlar orasidagi o'tkir burchak uchun quyidagi xossalar o'rinli.

$$(1) \quad \theta(g_1; g_2) = \theta(g_2; g_1)$$

(2) $\theta(g_1; g_2) = 0$ faqat va faqat shu holdaki to'g'ri chiziqlar parallel yoki ustma-ust tushsa.

$$(3) \quad \theta(g_3; g_1) = \theta(g_3; g_2) + \theta(g_2; g_1)$$



16.6 chizma

Aytaylik

$$ax + by + c = 0$$

to'g'ri chiziq y o'qiga parallel bo'lmagan to'g'ri chiziq bo'lsin. Tenglamani

ikkala tomonini $\frac{1}{b}$ ga ko'paytirib, so'ngra $-\frac{a}{b} = k$ va $-\frac{c}{b} = l$ belgilashlarni

inobatga olsak, biz quyidagi

$$y = kx + l \quad (*)$$

formulaga ega bo'lamiz.

(*) formuladagi k va l koeffisientlar aniq geometric ma'noga ega:


k - to'g'ri chiziqning x o'qi bilan tashkil qilgan α burchakning tangensidir.

l - to'g'ri chiziqning y o'qi bilan kesishishidan hosil bo'lgan kesmadir.

Haqiqatdan ham, aytaylik $A_1(x_1; y_1)$ va $A_2(x_2; y_2)$ nuqtalar to'g'ri chiziqning ikkita nuqtasi bo'lsin. (16.7 chizma)

$$\tan \alpha = \frac{y_2 - y_1}{x_2 - x_1} = \frac{(kx_2 + l) - (kx_1 + l)}{x_2 - x_1} = k$$

To'g'ri chiziq y o'qini ($x=0$ ekanidan $y=k \cdot 0 + l = l$ kelib chiqadi) $(0, l)$ nuqtada kesadi.



16.7 chizma

Faraz qilaylik bizga xy tekisligida ikkita

$$y = k_1x + l_1 \text{ va } y = k_2x + l_2$$

to'g'ri chiziqlar berilgan bo'lsin.

θ orqali bu ikki chiziq orasidagi burchakni belgilaymiz. Agar α_1 va α_2 lar mos ravishda yuqoridagi to'g'ri chiziqlar bilan x o'qi orasidagi burchaklarni belgilasak, (3) xossaga ko'ra

$$\theta = \alpha_2 - \alpha_1$$

tenglik o'rinli.

$$k_1 = \tan \alpha_1, k_2 = \tan \alpha_2$$

ekanidan, biz

$$\tan \theta = \frac{k_2 - k_1}{1 + k_1 k_2} \quad (**)$$

formulaga ega bo'lamiz. Bu yerda $|\theta| < \pi$

Misollar:

1. Ikkita $ax + by + c = 0$ va $bx - ay + c' = 0$ to'g'ri chiziqlar to'g'ri burchak ostida kesishishini ko'rsating.
2. $y = x \cot \alpha$ ($-\frac{\pi}{2} < \alpha < 0$) to'g'ri chiziqning x o'qi bilan tashkil qilgan burchagi nimaga teng?
3. Ushbu $x + 2y = 0$, $2x + y = 0$ va $x + y = 1$ tenglamalar bilan berilgan to'g'ri chiziqlar kesishishidan hosil bo'lgan uchburchakning ichki burchaklarini toping.
4. Ushbu to'rtta $\pm ax \pm by + c = 0$ ($a, b, c \neq 0$) to'g'ri chiziqlar kesishishidan hosil bo'lgan to'rtburchakning romb ekanini ko'rsating va koordinata o'qlari uning diagonallari ekanini isbotlang.

To'g'ri chiziqlarning parallelligi va perpendikulyarligi.

Faraz qilaylik bizga xy tekisligida ikkita

$$a_1x + b_1y + c_1 = 0 \text{ va } a_2x + b_2y + c_2 = 0$$

to'g'ri chiziqlar berilgan bo'lsin.

Ularining ko'rinishini

$$y = k_1x + l_1 \text{ va } y = k_2x + l_2$$

kabi ham yozish mumkin. Bu yerda $k_i = -\frac{a_i}{b_i}$ va $l_i = -\frac{c_i}{b_i}$ $i = \overline{1, 2}$

1. Tabiiyki, agar berilgan to'g'ri chiziqlar *parallel* bo'lsa ular orasidagi burchak nolga teng. Biz bundan

$$\tan \theta = \frac{k_2 - k_1}{1 + k_1k_2} = 0 \Rightarrow k_1 - k_2 = 0$$

voki

$$a_1 b_2 - a_2 b_1 = 0 \quad (*)$$

natijani olamiz.

2. Agar berilgan to'g'ri chiziqlar *perpendikulyar* bo'lsa ular orasidagi

burchak $\frac{\pi}{2}$ ga teng. Biz bundan

$$\tan \theta = \frac{k_2 - k_1}{1 + k_1 k_2} = \infty \Rightarrow 1 + k_1 k_2 = 0$$

voki

$$a_1 a_2 + b_1 b_2 = 0 \quad (**)$$

natijani olamiz.

Misollar:

1. Parametrik ko'rinishda berilgan

$$\begin{cases} x = \alpha_1 t + a_1 \\ y = \beta_1 t + b_1 \end{cases} \text{ va } \begin{cases} x = \alpha_2 t + a_2 \\ y = \beta_2 t + b_2 \end{cases}$$

to'g'ri chiziqlarning parallellik (perpendikulyarlik) shartlarini toping.

2. Umumiy ko'rinishda berilgan

$$ax + by + c = 0$$

to'g'ri chiziq va parametrik ko'rinishda berilgan

$$\begin{cases} x = \alpha t + \beta \\ y = \gamma t + \delta \end{cases}$$

to'g'ri chiziqlarning parallellik (perpendikulyarlik) shartlarini toping.